



AL-SULTAN Abdullah menyampaikan Anugerah Tokoh Maal Hijrah 1442H/2020M kepada Dr Noor Hisham di Masjid Negara, semalam.

Sumbangan besar

Dr Noor Hisham Abdullah diumumkan Tokoh Maal Hijrah Peringkat Kebangsaan 1442H

Oleh Raja Noraina Raja
Rahim
rnoraina@hmetro.com.my

Kuala Lumpur

Ketua Pengarah Kesihatan, Tan Sri Dr Noor Hisham Abdullah diumumkan Tokoh Maal Hijrah Peringkat Kebangsaan 1442H.

Selain itu, Syeikhul Azhar Al-Syarif, Sheikh Prof Dr Ahmad Tayyib pula diumumkan Tokoh Antarabangsa Maal Hijrah 1442H.

Pengumuman itu dibuat Menteri di Jabatan Perdana Menteri (Hal Ehwal Agama), Datuk Dr Zulkifli Mohamad Al-Bakri pada Majlis Sambutan Maal Hijrah Peringkat Kebangsaan Tahun 1442H/2020M di

Masjid Negara, semalam.

Menerusi penganugerahan itu, tokoh Maal Hijrah Kebangsaan dan Antarabangsa menerima pingat serta sijil penghargaan daripada kerajaan Malaysia.

Hadiah kepada tokoh berkenaan disampaikan Yang di-Pertuan Agong, Al-Sultan Abdullah Ri'ayatuddin Al-Mustafa Billah.

Turut berangkat, Raja Permaisuri Agong, Tunku Azizah Aminah Maimunah Iskandariah.

Turut hadir, Perdana Menteri, Tan Sri Muhyiddin Yassin.

Dr Zulkifli berkata, pemilihan kedua-dua tokoh itu dibuat atas sumbangan

besar dalam memartabatkan Islam di peringkat nasional dan global yang diiktiraf oleh pelbagai

pihak di peringkat tempatan serta antarabangsa.

Tema sambutan kali ini ialah Ummah Rabbani Negara Harmoni iaitu menguruskan penghijrahan



yang berlaku dalam masyarakat memerlukan kepada kekuatan modal insan, ilmu pengetahuan serta kecekapan pengurusan.

**Tokoh terima
pingat dan sijil
penghargaan daripada
kerajaan Malaysia**